



COMMUNITY & ECONOMIC DEVELOPMENT OFFICE

149 CHURCH STREET • ROOM 32 • CITY HALL • BURLINGTON, VT 05401
(802) 865-7144 • (802) 865-7024 (FAX)
www.burlingtonvt.gov/cedo

Maswali Yanayoulizwa Sana Kuhusu Burlington Shelter Community na Community Resource Center ELMWOOD AVENUE, BURLINGTON

1. **Je, ni nini kinachotendeka kwenye Maegesho Yanayomilikiwa na Jiji yaliyopo Elmwood Avenue?** Jiji linapendekeza kutumia maegesho ya Elmwood Avenue kwa muda mfupi kama makao ya dharura kwa watu katika jamii yetu ambao hawana nyumba, haswa wale wasio na makao. Eneo pia litakuwa mwenyeji wa Community Resource Center (CRC). **Unaweza kupata maelezo ya hivi punde kuhusu mradi hapa:** <https://www.burlingtonvt.gov/CEDO/Ending-Homelessness>. Tunapanga kuanza kazi kwenye eneo Mei na kujenga na kuhakikisha kuwa Shelter Community na CRC zinafanya kazi Majira ya Joto.
2. **Je, kwa nini tunafanya hivi?** Idadi ya watu wasio na nyumba inaendelea kuongezeka takribani mara tatu ya viwango vya kabla ya janga na upataji wa makao ya dharura umewekewa tu viwango vilivyopo wakati wa Majira ya Baridi ya 2021. Tarehe 16 Desemba 2021, Meya Weinberger alitoa mpango wa mikakati ya kutimiza ahadi ya makazi kuwa haki ya binadamu. Mpango wa hoja kumi ulijumuisha miradi kadhaa ikiwemo uundaji wa jamii mpya ya makao madogo ya masharti machache katika Burlington.

Utafiti wa 2021 na kampeni ya uhamasishaji zilizofanywa na Jiji la Burlington ziliunga mkono kwa wingi matumizi ya fedha za urejesho kushughulikia ukosefu sugu wa makazi na kutekeleza masuluhisho ya makazi salama, ya heshima na ya utu kwa wote. Mbinu ya makao imethibitisha kufanya kazi kwa kutumika kama njia ya kupata makazi ya kudumu katika majiji kote Marekani na ni chombo cha haraka na cha gharama ya chini cha kuwapa makao wengi walio hatarini siku zijazo. Tarehe 7 Februari 2022, Baraza la Jiji liliidhinisha kwa pamoja matumizi ya \$2.975M za ARPA kuangazia tatizo kubwa la ukosefu wa nyumba. Fedha zilizotengwa zilijumuisha uundaji wa Shelter Community na Community Resource Center ya mwaka mzima. Jiji litatuma ombi la fedha za ziada ili kuendesha eneo kutoka Office of Economic Opportunity ya Jimbo. CRC ilipewa \$365,000 za ziada katika Matumizi ya Kuagizwa na Bunge la Taifa.

3. **Je, ni aina gani ya maboresho yatafanywa?** Jiji litanunua na kuunda majengo [30 ya makao madogo](#) ambayo kila moja linamhifadhi mwanajamii mmoja (matano ya makao yataweza kuwahifadhi watu wawili, ikiwa kuna wanandoa ambao wangependa kuwa katika makao sawa). Hadi jumla ya wageni 35. Eneo pia litajumuisha jengo la kuhama lililojengwa mapema litakalokuwa na vyumba sita (6) vya choo/karo/bafu vilivyounganishwa kwenye huduma za maji ya umma na majitaka kwenye eneo. Eneo litakuwa na taa na umeme unaofaa ambao unapewa makao yote 30. WIFI itapatikana katika

eneo zima. Kutakuwa na nafasi ya kupokea taka, kuhifadhi ya baiskeli na meza za mandhari. Jiji pia litanunua jengo la kuhamza lililojengwa awali ili kutumika kama Community Resource Center (CRC) kwenye eneo hili. CRC itajumuisha misala ya ziada, jiko, afisi na nafasi wazi kwa jamii ili kutumika kama Shelter Community na wengine wanaohitaji makao ya kutwa ya masharti machache, vyakula, kahawa na bidhaa za usafi. Pia kutakuwa na nafasi ya kuunganisha na huduma za makazi, huduma za afya, ikiwemo huduma za kupona na afya ya akili na huduma zingine za jamii. Lazima mradi utimiza kanuni za majengo na usalama. Itahitajika kupokea kibali na idhini ya eneo kutoka kwa wakaguzi wa majengo wa Jiji.

4. **Je, kwa nini eneo hili lilichaguliwa na manufaa yake ni gani?** Baada ya kuchanganua maeneo kumi yaliyowezekana, Maegesho ya Elmwood Avenue yalitambuliwa kuwa ardhi ya Jiji ambayo inatimiza vizuri mahitaji ya mradi kwa sababu ya ukaribu wake wa usafiri, huduma na vistawishi na urahisi wake wa kuunganishwa na kawi, maji na mabomba ya maji taka ya manispaa. Jiji linapendekeza kutumia maegesho kwa hadi miezi 36 kutumika kama mahali pa makao haya ya dharura, kushiriki CRC na Shelter Village kwa ufanisi wa utoaji na ufikiaji wa huduma. Huduma nyininge nyinyi ambazo jamii isiyo na makao inahitaji kufikia zinapatikana katika mji wetu. Kitovu chetu cha usafiri wa umma ni mjini. Hili ni eneo kuu, linalomilikiwa na jiji, linalofikika na karibu na huduma na miundomsingi.
5. **Je, ni aina gani ya makao itaendeshwa na eneo linasimamiwa vipi?** Hiki kimepangwa kuwa kituo kinachosimamiwa na makao ya dharura ya masharti machache. Eneo litasimamiwa na shirika bia linalotoa huduma. Eneo litaendeshwa kwa mujibu wa miongozo yajimbo ya Makao ya Dharura. Mashirika mengine bia pia yatatoa huduma za binadamu na jamii kwa wageni. Fasili ya Masharti Machache inatofautiana lakini kimsingi inamaanisha mahitaji ya kiingilio ni machache au madogo. Kwa Kulenga Upunguzaji wa Madhara, makao ya masharti machache yanahimiza washiriki kusonga karibu na huduma na kutafuta rasilimali kwa kuondoa vizingiti vya ufikiaji. Hii haimaanishi kwamba hakuna mipaka ya tabia. Kuna matarajio kwamba wanajamii wetu wanapaswa kutii sheria na kuonyesha mwenendo usio wa kutisha na wa heshima. Shughuli haramu zitapigwa marufuku sawa na silaha. Shughuli za eneo zitajumuisha viwango vilivyoandikwa na matarajio ya wageni yatabainishwa na wageni kuyafikia kwa urahisi na wafanyakazi na watu wote wa kujitolea wanapaswa kuwa na ujuzi na kupata mafunzo katika utunzaji wa ufahamu wa kiwewe. CRC itaendelea kuendeshwa na Champlain Valley Office of Economic Opportunity.
6. **Je, Jiji linashirikishwa vipi watu ambao hawana makao kwenye miradi hii?** Miradi hii iliundwa ikiwemo maelezo na maoni kutoka kwa watu wenye uzoefu, wafanyakazi wa uhamasishajina mashirika bia. Uhamasishaji na ushauri huu unaendelea. Kulingana na maoni tunajua kwamba kuna hitaji la aina mbadala za makao ya dharura. Watu wengine hupata changamoto ya kudumu katika hoteli, wengine wanatatizika kupata makao wakiwa na wanyama wao vipenzi. Hii ni baadhi tu ya mifano ya maoni ya jamii.
7. **Je, ni nani atakayeishi kwenye eneo hili?** Kwa kufuata miongozo ya makao ya dharura ya jimbo, kipaumbele kinawenza kuwa ifuatavyo: Mtu asiyehu na makao na anayeishi katika moteli asiyojilipia, ikiwemo wale wanaotoroka dhuluma ya kinyumbani au ya kingono, wanaokaa katika eneo ambalo si moteli, watakaopoteza makao hivi karibuni. Usajili utaratibiwa na watoa hudumawengine wa makao na 211, ili kusisitiza urahisi wa ufikiaji kwa wale wanaotafuta makao ya dharura.
8. **Je, kwa nini Jiji haliwezi kuwaweka watu katika vyumba au makao mengine?** Tunakabiliwa na upungufu sugu wa makao ya bei nafuu katika Kaunti ya Chittenden. Mfumo wa makao wa Burlington unawatumikia watu wengi katika jamii yetu wasio na makazi, lakini haumfa kila mtu. Kwa mfano, makao hayawesi kuwahifadhi wanandoa wasio na watoto. Pia hauwafai watu walio na changamoto ya kukaa karibu na makundi makubwa ya watu, wengi ambao wana historia pana za kiwewe na/au

huenda wakawa na mgogoro. Vilevile, vitanda vyetu vya dharura vimejaa. Makao ya Dharura yaliyopanuliwa yanayotolewa na Jimbo katika hoteli mara nyingi huwa yamejaa katika vitanda vya Kaunti ya Chittenden. Jamii ya makao, kama vituo vingine vya makao ya dharura, inakusudia kutoa sehemu salama za muda mfupi za watu kukaa hadi waweze kupata makazi.

9. **Matatizo mengi yameripotiwa kwenye kambi ya wasio na makazi katika Sears Lane. Je, huku si kuhamishia matatizo hayo eneo jipya?** Eneo le Elmwood linajengwa ili kuepuka mengi ya matatizo haya yanayoshuhudiwa katika Sears Lane. Kwa mfano, kutakuwa na kikomo cha idadi ya watu wanaoweza kulitumia eneo. Eneo le Elmwood Ave litatoa mazingira salama na ya utu zaidi kuliko yale yaliyo Sears Lane, ambayo hayakuwa na kawi, maji na mabomba salama ya maji taka. Eneo la Elmwood Ave litakuwa na huduma za msala na bafu na nguvu za umeme. Watu watakaa katika majengo yanayopashwa joto, si mahema na kutakuwa na wafanyakazi kwenye eneo wa kutoa huduma za usimamizi wa jengo, huduma kwa jamii na huduma zingine za msingi.
10. **Je, ni huduma za aina gani zitakazotolewa?** Mbia mwendeshaji atakuwa na mfanyakazi anayeweza kusaidia, au kuunganisha wanajamii kwenye huduma zinazohusiana na makazi, afya (ikiwemo afya ya akili na matumizi ya mihadarati) na pia kukidhi mahitaji ya maisha ya kila siku. Mfanyakazi pia atawajibikia kusimamia na kutunza jengo na mapokezi kwa wanaoingia na kutoka. Jengo litakuwa na mfanyakazi saa 24 kwa siku. Community Resource Center inatoa sehemu salama, yenye joto au baridi, chakula moto, vifaa muhimu, huduma za umeme, kompyuta, ushauri kuhusu makao, nyumba na mengine mengi.
11. **Je, ninaweza kufanya nini ili kusaidia?** Tunasubiri kwa hamu kushirikiana nawe, sote tuna wajibu wa kutekeleza ili kuwasaidia wanajamii kurudi kwenye makazi. Tunatumai kwamba tunaweza kutegemea jamii hii karimu kuchangia muda na maoni yake ili kuisaidia jitihada pana ya jamii hii. Mradi utasaidiwa na kundi la jamii kupunguza masharti, woga na mgongano na kufanya mitikio yetu kuwa ya utu kama jamii. Muundo wa mkutano wa jamii hii unafanya kazi kwa ufanisi kwenye maeneo mengine ya makao kote nchini na kuleta pamoja wadau; wageni wa eneo, wafanyakazi na wanaojitolea, wanajamii, majirani, makundi ya dini, wanaharakati, mashirika yasiyo ya faida, biashara za karibu, serikali ya mtaa n.k. Kwa kukutana na kujadili maswali au masuala kuhusu eneo na kutambua nafasi za kushirikiana, tunaweza kujenga uhusiano wa kusaidia kupunguza taharuki, mashaka na mgongano na kufanya kazi pamoja kuangazia nafasi na maboresho.

Huku ufunguzi wa eneo unapokaribia, Jiji na watoa huduma wataweza kushiriki maelezo zaidi kuhusu mahitaji na majukumu mahususi. Michango ya vyakula na bidhaa zingine inaweza kuombwa lakini inasaidia zaidi kwa jumla na kutoharibika ikishughulikiwa kwa njia iliyoratibiwa.